

ԲՈՒԵՆՇՏԵՂՏ ՀԱՅԱՍՏԱՆՈՒՄ

Գրեց՝ ԱՐՏ. ԱՖԵՂԵԱՆ

I

ԲՈՒԵՆՇՏԵՂՏ ԵՒ ԱՌՈՎԵԱՆ

19-րդ դարի 40-ական թուականներին Անդրկովկասեան Հայաստան այցելած գերմանականաւոր ճամբորդներ թուին է պատկանում նաեւ ֆրիդրիխ Բոդենշտէդտ*):

«Հայրենիք»ի ընթերցողները արդէն ծանօթացան գերման մի ուրիշ ճամբորդի՝ Բարոն Աուգուստ ֆոն Հաֆստհաուզէնի գործին, որ այնչափ կարեւորութիւն ունի, մեր կարծիքով, ժամանակակից հայ կեանքը ուսումնասիրելու տեսակէտից:

Բոդենշտէդտ գալիս է այդ կողմից լրացրած ներս Հաքստհաուզէնի գործը:

Վերջինս Հայաստան է այցելած ինչպէս տեսանք, 1843 թուականի օգոստոսին, իսկ Բոդենշտէդտ՝ 1844-ի մարտի վերջերին: Որպէս քաղաքատնտես՝ Հաքստհաուզէն իր ուշադրութիւնը դարձրել է գլխաւորապէս հայոց ներքին-ընկերային կեանքի վրայ, թէեւ նա մեզ շատ թանկագին նիւթեր է մատակարարում նաեւ ժամանակակից հայ ազգագրութեան եւ ժողովրդական բանահիւսութեան մասին: Իսկ Բոդենշտէդտ, որպէս գրականագետ եւ բանաստեղծ, կենտրոնացնում է առաւելապէս վերջին ճիւղի վրայ, անտես չանելով նաեւ պատմական ու ներքին-ընկերայինը: Բոդենշտէդտ, որ տարիքով էլ բաւականաչափ կրտսեր է եղել Հաքստհաուզէնից (վերջինս ծնունդ է 1792 թ. փետրուար 3-ին Վեստֆալիայում եւ մեռել 1866 թ. դեկտ. 31-ին Հաննովէրում), վերջինիս բաղդատութեամբ շատ աւելի մեծ հռչակ է վայելել Գերմանիայում, թէեւ 19-րդ դարի հայ կեանքի ուսումնասիրութեան տեսակէտից երկուսն էլ հաւասարաբար

ժէջ կարեւոր նշանակութիւն ունին մեզ համար, թերեւս Հաքստհաուզէն մինչեւ իսկ աւելի, քան Բոդենշտէդտ:

Ո՞վ էր Բոդենշտէդտ:

Նա ծնունդ է 22 ապրիլ 1819 թ. Փայնէ (Peine) գիւղաքաղաքում՝ Հաննովէրից ոչ հեռու: Ուսանողական տարիներում նա հետեւել է հին եւ նոր լեզուների, ինչպէս եւ պատմական ու փիլիսոփայական գիտութեանց: Շրնորհիւ Ռուսաստանում ապրող իր ծանօթների՝ տակաւին բոլորովին երիտասարդ հասակում, 1840-ին, Բոդենշտէդտ Մոսկուա է հրաւիրում՝ որպէս դաստիարակ եւ մասնաւոր ուսուցիչ պատանի իշխ. Գոլիցինների: 1843-ի աշնանը նա տեղափոխւում է Թիֆլիս՝ որպէս տեսուչ ուսուցչական ճեմարանի (ինստիտուտ) եւ լատիներէնի ու ֆրանսերէնի ուսուցիչ էլ՝ տեղական գիմնազիոնում: 1844-ի գարնանը նա ճամբորդում է Հայաստան, լինում է Երեւանում ու էջմիածնում: Նա ճամբորդում եւ ուսումնասիրում է նաեւ Կովկասի ուրիշ երկրամասեր: 1845-ին Բոդենշտէդտ Կերչի, Օդեսայի եւ Կ. Պոլսի ու Զմիւռնիայի վրայով վերադառնում է իր հայրենիք՝ Գերմանիա:

Այստեղ նա նուիրւում է ստեղծագործական խաղաղ աշխատանքի եւ շուտով ձեռք է բերում, որպէս քննադատ, խմբագիր, գիտնական ու բանաստեղծ, մեծ հռչակ: Երկար տարիներ նա Միւնխէնի համալսարանում ուսուցչապետի պաշտօն է վարում, դասախօսելով անգլիական ու սլաւ լեզուներ եւ գրականութիւն: 80-ական թուականներին ճամբորդում է Ամերիկա: Վերջը հաստատւում է Վիւրադէն քաղաքում, ուր եւ մեռնում է 18 ապրիլի 1892 թ.: Այդտեղ նրան ի յիշատակ կանգնեցնում են արձան:

Բոդենշտէդտ գերման առաջնակարգ բանաստեղծների եւ գրականագետների շարքն է դասուած: Ունի բազմաթիւ աշխատութիւններ

*) Շեղագիր չարուած բառերը իմ ընդգրծումներն են, իսկ տառերը անջատ չարուածները՝ Բ.-ինը: